

甌北詩選

下

柳田文庫

文庫11

D 209

2

5

10

15

20

25



文獻 11  
D 209  
2



甌北詩選卷下 七言絕句

清 陽湖 趙翼 雲崧 著

日本秋田 碓井歡青堂 選

西湖雜詩

重過蓮池跡已陳 女尼那復記前因 當年綠鬢看纔剃

豎拂今為首座人 余昔攜家遊湖 寓蓮池女菴

葛嶺南園一代狂 欲尋遺跡已滄桑 賈堂蟋蟀韓莊犬

留與遊人話夕陽

寓齋老桂四株余到日 正放花喜作

不信名香解作媒 惹他鄰女上牆隈 老夫也自忘衰醜



010190556145



只道窺牆為玉來

鄰女多辨牆折  
花故戲云爾

閱史戲作

閒翻青史坐涼宵，頃刻興衰閱幾朝。寸燭未殘千載過，先生笑比爛柯樵。

閒居無事取子才，心餘述菴晴沙白華玉。函諸君詩，手自評閱，輒成四首。存二。

千里懷人白露時，一編冰雪慰相思。蕭齋日與諸君見，可惜諸君不得知。

姊妹新粧共倚欄，孰宜施粉孰宜丹。背人卻向菱花照，還把看人眼自看。

數月內頻送南雷，述菴淋齋諸人赴京補官戲作。柳條折盡送人行，都謁承明上玉京。老實頻看鄰女嫁，白頭重憶舊風情。

袍笏登場也等閒，惹他動色到柴關。妻兒翻不如猿鶴，啼怨山人不出山。

同學都看入宦途，誰從村下譜康衢。野夫歌咏昇平處，或亦清時不可無。

曉起

茅店荒雞叫可憎，起來半醒半懵騰。分明一段勞人畫，馬啣殘鷄鼠瞰燈。



野菊

多少秋芳入貴家，獨餘籬落幾寒葩。  
對君莫訝相憐甚，同是無人賞鑒花。

香山夜歸即事

露柳清陰十里遙，阿誰乘月夜吹簫。  
馬頭相並無迴避，同踏香塵過板橋。

纔下雕鞍，又二更臨歧，含語未分明。  
從今破盡枯禪戒，不在鄰牆釵釧聲。

戲題姮娥奔月圖

碧天清怨有誰知，奔月非關竊藥馳。  
如此容華嫁窮羿。

教他，那得不分離。

殼率能推九日精，何難射落月輪明。  
尚留桂館藏嬌地，此老當年也有情。

題蔣心餘歸舟安穩圖

桃花貼浪柳垂隄，一葉歸舟老幼齊。  
難得全家總高致，介之推母伯鸞妻。

圖中太夫人、嫂夫及諸郎咸集。

種樹

催喚僮奴抱甕過，防他生意漸婆娑。  
安儂行樹下，親澆灌。自笑身如郭橐駝。

翠痕深映讀書堂，不見花紅但葉蒼。  
說與愛花人，聽取。



歐陽文忠公詩集 卷下  
花時那比葉時長

離江舟行

舟行連日上灘，遲稍喜揚帆，疾若馳，纔得順風，河又轉，  
世間那得稱心時。  
絕似盆池，聚碧孱嵌空，石笋滿江灣，化工也愛翻新樣，  
反把真山學假山。

題春山仙奕圖

局中算劫，心勞神早，有閒觀局外，身袖手，不來輕下子，  
爛柯人，乃是仙人。

古來咏明妃楊妃者多矣，其平戲作一絕。

遠嫁呼韓，豈素期，請行似怨，不逢時，出宮始覺君恩重，  
臨去猶為斬畫師。

鼙鼓漁陽為翠娥，美人若在肯休戈，馬嵬一死追兵緩，  
妾為君王拒賊多。

廬山在望不及一遊詩以解嘲

鄉心連夕促歸舟，咫尺匡廬不一遊，千古香山暗相笑，  
此人枉自過江州。

希邱絕句

捨宅王珣築梵宮，千年變作綺羅叢，笑他佛也風流甚，  
身在烟花不斷中。



暮鳥啼處客歸遲，畫舫前頭月似眉。  
殘醉倚舷簾半捲，家家水閣上燈時。

庭前雜咏

衰醜形容只自羞，老來宋玉豈風流。  
鄰家新竹過牆出，似為窺人露一頭。鄰竹

草花低亞樹花高，各自相安氣不驕。  
偏是陵苔軟無力，附他喬木號凌霄。凌霄花

寒士栽花各責成，菊堪釀酒桂調餽。  
芭蕉如掌閒無用，派管庭前報雨聲。芭蕉

消夏絕句

消磨長日仗丹鉛，常苦巾箱少逸篇。  
解事童奴傳好語，門前新到賣書船。

浴罷東臯看月明，夜涼風露寐無聲。  
豆棚花下流螢滿，自笑歸田尚火城。

過故友村居

興擢重來訪故交，依稀何處認門敲。  
村貧賣樹茅簷露，不見牆西老鶴巢。

偶成

午牕一枕夢回時，藥酒微醺一兩卮。  
閒向綠陰凝立處，人言此老要吟詩。



烟霧深林叫子規，輕陰幾點雨如絲。笑他牧子騎牛背，身在畫中不自知。

枕上

枕上得詩愁健忘，披衣起寫殘燈光。山妻竊笑老何苦，兒輩讀書無此忙。

漫興

誰把姻緣簿，錯移落花偏。向溷邊吹千金一笑，猶難買何福。人間賣餅師，燈光花影兩參差。有酒如淮，酌滿卮。太息相逢吾已老，白家正擬放楊枝。

戲題間雲女郎小照

偏向嚴光眼，獨青羊裘也染麝。蘭馨他家足，慣加人腹夜半須防犯，女星謂君所善嚴生

舟行

一枝柔艣泛波空，牽曳詩魂入夢中。笑比搖籃引兒睡，老夫竒訣得還童。江村人曰小兒於竹籃搖之使眠謂之搖籃何物中宵閣閣鳴，似憐孤寐送繁聲。罷官野宿無柳鼓，兩岸蝦蟆為打更。

吳門雜詩

形容老盡舊交游，獨有先生鬢不秋。白髮誰言最公道



逡巡也避貴人頭開府別十五年鬢髻無一莖白者  
幽棲風味愛清歡，頗笑胭脂畫牡丹。到得東山絲竹地，始知平日秀才寒。

納涼

坐久空濛露濕衣，風來暗帶稻香肥。流螢不自量微照，偏向星多處亂飛。  
夜深歸去就橫陳，一語應添笑柄新。我比齊人有妻妾，專房偏寵竹夫人。

中庭坐月

移得紗幮小院旁，中安一榻卧乘涼。惹他四面蚊忙煞，

眼看冰肌不得嘗。

漁翁

網得修鱗佐晚炊，小舟如葉夜歸遲。一天明月秋江上，可惜漁翁不作詩。

寓齋聞歌

比鄰歌管出樓臺，此老蕭齋獨引杯。明月不嫌茅屋陋，夜深一樣上窗來。

小園

小園不設繚垣遮，麋眼籬編六枳斜。一樹桂花風過處，聽他香到別人家。



朔風

江天連日朔風高，催贖先生敝緇袍。一笑化機誰識得，樹方落葉鳥添毛。

送客歸戲書

卸卻漁簑一整冠，送人謁選上長安。惹他僮僕私相笑，既愛山林又愛官。

授衣

九月霜清木葉飛，例修敝褐禦寒威。笑他兒女隨年長，遞換兄衣作弟衣。

家約

老去惟耽懶味長，自頒家約戒厨娘。何能爲汝藿鹽事，費我吟詩錦繡腸。

齒痛

嚼鐵生平礪齒齟，無端對食輒含顰。遇剛必吐柔方茹，累我翻成勢利人。

山塘

半塘橋北好陰涼，殘醉扶來蕩畫航。臨水數家門半掩，更無人處有垂楊。

論詩

滿眼生機轉化鈎，天工人巧日爭新。預支五百年新意，



到了千年又覺陳，  
李杜詩篇萬口傳。至今已覺不新鮮，  
江山代有才人出，各領風騷數百年。

隻眼須憑自主張，紛紛藝苑漫雌黃。  
矮人看戲何曾見，都是隨人說短長。

少時學語苦難圓，只道工夫半未全。  
到老始知非力取，三分人事七分天。

詩解窮人我未空，想因詩尚不曾工。  
熊魚自笑貪心甚，既要工詩又怕窮。

紅梅

品高初不逐繁華，何事新粧鬪絳霞。  
莫是也貪流俗賞，漸思改節學桃花。

清明後一日松坪前輩招同西巖涵齋棕亭湖舫

雅集

多煩折簡到潛夫，出郭尋春興不孤。  
千樹桃花萬楊柳，揚州城外小西湖。

香雪飄殘萼綠華，平山堂有梅千株，號小香雪。旁人笑我願空賒。  
風

流詞客非高士，不看梅花看杏花。

鮒魚初出松坪前輩即購以見貽賦謝二首

銀鱗尺半壓荒厨，纔是江鮮入市初。  
一尾千錢作豪舉，



先生今日宴頭魚，菜根久礪齒牙牢。珍味無端誘老饕，不肯累人窮閔貢。為君一旦破清高。

松坪於齋頭遍插芍藥，招同涵齋棕亭再可雅集。

即事

相期不負景清和，又許看花發醉歌。前日鮭魚今芍藥，老來食色累公多。

尋花我昨步當車，君乃移花插滿家。始識名流太驕貴，要花尋我不尋花。

劉霞裳秀才美姿容，工詩嘗偕子才為名山之遊。

今又同舟來謁喜而有贈并調子才

緒柳風流見後身，雅吟况復擅清新。世間真有無雙品，才子原來是美人。

白頭人共泛清波，忽覺沿隄屬目多。此老不知看衛玠，自誇看殺一東坡。

買燈十二挂皆舊家物也書示兒輩

想見華堂照酒樽，無端來伴我黃昏。須知是物關興替，最後登門早出門。  
家居買燈最為不急之務及稍貧則此物先賣矣

秋燕

落水風高葉漸稀，人家刀尺促寒衣。生憎燕子炎涼甚，



春便飛來秋便歸

閩遊途中雜詩

遙憶山茶曲檻前此時繁蕊放紅嫣  
正開花候身偏出天為先生省酒錢

自泉州至漳州道中作

閩遊未訪武夷君先踏泉南瘴海雲  
添得生平蛇一足白頭出作老參軍  
堠館殘燈送馬蹄一弦海月出猶低  
十年高卧山中客重聽荒郵半夜雞

詠古

滌器空羈作賦才凌雲一薦入蓬萊  
遭逢莫怪臨邛幸犬子原須狗監推

裙帶魚臭如醃鮓我洲百門乃酷嗜詩以調之

臭味輻輳不可親嗜痂偏作席間珍  
為魚也要佳名字裙帶纔呼便動人

北歸

屢改歸期始定期郵亭露布正班師  
千軍萬馬紛馳處一個閒人訪武夷

西湖雜詩

白蘇都向此留題二老才名本自齊  
不作爭墩互傾軋



兩人各占一條隄  
一杯總為斷腸留芳草  
年年碧似油蘇小墳連岳王墓  
英雄兒女各千秋

重遇盲女王三姑賦贈

十年前聽撥琵琶曾惜明眸翳月華  
今夕紅燈再相對  
老夫亦已霧看花  
徐娘雖老尚情長  
慚愧蕭郎鬢已霜  
對面欺他看不見  
白頭聊作少年狂  
人間用短轉能奇  
水母曾傳借目窺  
為汝作蝦吾亦肯  
便隨流蕩不相離

野步

峭寒催換木棉裘  
倚杖郊原作近游  
最是秋風管閒事  
紅他楓葉白人頭

桃花

正是桃花滿洞開  
春遊偶誤入天台  
仙家也自貪年少  
笑我何為老始來

郊外見殘菊

黃葉江村木盡凋  
尚餘冷艷耐商飈  
有情都作春花去  
誰與秋容綴寂寥

子才到揚州  
預索輓詩戲和其韻  
意有未盡又增



二首存一

薤露如何可預支，渡江來似別交知。  
得詩恐爾真歸去，不覺低徊下筆遲。

廬山雜詩

崖壁鐫詩費斧推，欲憑貞石姓名垂。  
誰知兩打風摧久，也作模糊沒字碑。

流出山來便不還，何妨小住保清潺。  
可憐三峽橋邊水，日夜喧囂要出山。

京口晤夢樓聽其雛姬度曲即事

廿載清齋禮佛香，翻將禪悅寄紅粧。  
始知十六天魔舞

別是僧家一道場

笑我家貧赤脚多，那能百琲買青娥。  
鄭康成婢香山嫗，只解吟詩不解歌。

遊金陵雜詩

十幅蒲帆兩草鞋，借名送考到秦淮。  
老夫別有西來意，半為栖霞半簡齋。

名紙填門奉玷壇，隨園豪舉欲留餐。  
靈山五百阿羅漢，一個觀音請客難。

真州蕭娘製糕餅，最有名人呼為蕭美人。  
點心子才以醜奇中丞中丞寵之以詩，一時傳為佳話。余



亦作六絕句存三

帶得脂香價便高一奩粉餌入風騷美人手段才人筆  
補出劉郎九日糕

已是徐娘半老時年已五十餘五芳名猶重美人貽不知年少

當爐日幾許游人妬餅師

一技成家動貴游遂憑食譜姓名留蘇東坡肉眉公餅

此女公然另出頭

不寐

老去無眠夜景清聊營腹稿待天明小鬟曉夢聞呼起  
知有新詩枕上成

山行

路尋樵徑躡槎枒山色蒼深夕照斜一樹紅楓全是葉  
翻疑無葉滿身花

圍爐

頭腦冬烘一腐儒怕他水雪冷侵膚平生性不因人熱  
老友趨炎附火爐

揚州觀劇

故事何須出史編無稽小說易喧闐武松打虎崑崙犬  
直與關張一樣傳

今古茫茫貉一邱恩讐事已隔千秋不知於我于何事



聽<sub>レ</sub>到<sub>レ</sub>傷<sub>レ</sub>心<sub>レ</sub>也<sub>レ</sub>渡<sub>レ</sub>流<sub>レ</sub>

一燈

出身早脫子衿青堪笑丹鉛尚不停頭白一燈孤館裏

廿三部史十三經四庫館新編舊五代史遂成廿三史

戲題靈巖山館畢秋帆制府別業

靈巖千古屬西施亭館何人鑿翠為要與美人爭勝蹟

秋帆此處是男兒

愛山我乏買山資公有青山只夢思何不把山來贈我

省他猿鶴盼歸期

高旻寺鑑公房夜看牡丹戲書

一枝濃艷倚禪房銀燭高燒照滿廊我欲嚇他禪定破  
老僧深夜對紅粧

揚州買芍藥携歸而齋前寶珠山茶已開過矣

已向山塘買牡丹又携紅藥到雕欄惹他千瓣山茶妬  
家有名花不愛看

雨不止

客牕聽雨夜如年簷溜丁東斷復連絕似小兒啼不住  
終宵攪得老夫眠

年來孫補山畢秋帆兩制府阿雲巖相公相繼下  
世林下則願晴沙素子才王西莊又物故生平交



舊一時俱盡，淒然感懷。

老來不復作詩，新偶作詩，惟哭故人，哭盡故人，無可哭，孑然頽影，自傷神。

除夕喜雪

冬暖常憂得雪，遲得於除夕，尚當時製成鶴氅，無誇處，火急披肩去覓詩。

所見

寒威癩瘵曉侵肌，驚見驅牛飲凍池，搖手急呼莫莫，莫恐他冷飲或傷脾。

儒餐

土銼煤爐老瓦盆，莫因鼎食羨豪門，儒餐自有窮者處。

白席青龍一口吞。俗以荳腐青菜為青龍白虎湯。

僮約

僮約雖頒十數條，守門奴已出遊遨，客來剝啄無人應，只道先生故作高。

書劔南集海棠詩後

陶菊林梅名各擅，海棠猶未有專家，放翁此意先窺破，急把狂吟占此花。

健忘

眼前僮僕或忘名，何況經書記不清，怪底近詩多白戰。



征南武庫已無兵

厭聞

三十年来把釣緝，厭聞消息說兵塵。私憂竊歎何人識，識亦徒嗤是杞人。

放生河

放生河上放生碑，禁斷人間網罟施。可惜游儻不識字，不知來此避漁師。

山茶盛開邀去年諸同人小集

占得名花敢召賓，盤餐莫笑庾郎貧。珊瑚滿樹紅於火，我亦人間石季倫。

題芳茂山僧寺

無山空買一株藤，競想逢山快一登。嵐翠滿庭門晝掩，有山不看是山僧。

目力

兩目雖存力減前，臨文敢恕視茫然。自從六歲攻書起，我已勞他七十年。

長至日同人夜集

長至纔交薄雪飛，可無轟飲辟寒威。書生豪舉真堪笑，前面開樽後典衣。

無詩

瓶化詩選

卷一

七



每日耽吟到日西，幾於搜及角中懸。只愁明日無詩句，即此無詩又一題。

題黃丈季游梅花小照

雪作寒交月作鄰，水邊疎影本前身。始知畫手傳神好，只寫梅花不寫人。

題汝上旅壁

十二年前過汶河，曾徵紅粉唱迴波。不堪老去重來宿，還聽韋娘一曲歌。

順風歌

連朝艤擢洞庭邊，一日開帆路半千。此理眼前誰悟得，

順風船即阻風船

閒步江岸有邨翁，築屋數間蔣花籠。鳥頗有閒適之趣，戲題二絕，存一。

溪流曲曲柳絲斜，中有幽棲處士家。好个丹青行看子，黃荃禽鳥趙昌花。

觀劇即事

明識悲歡是戲場，不堪唱到可憐傷。假啼翻為流真淚，人笑癡翁太熱腸。

驢嘲

凌兢瘦影踏黃塵，日向長途受雇緡。憐汝往來風雪裏，



不曾馱着一詩人

米貴

米貴如珠豈易量  
午炊往往到斜陽  
老夫近得休糧法  
咀嚼新詩誑餓腸

江邊鷗鷺

覓食終朝傍水湄  
晚來戢羽靜無為  
始知鷗鷺閒眠處  
也在謀生既飽時  
飲啄呼羣不亂行  
空波容與太清狂  
扁舟偶過忽飛起  
我已忘機他未忘

歌風閣言

滿耳啾啾不辨何  
近來漸解說儂羅  
始知公冶非神技  
只為聽他鳥語多

春農寓齋窗外忽生新竹一枝賦詩自誇戲贈

與可千尋已覺長  
笑君譽竹更無雙  
揚州寓舍新篁茁  
道自家園透過江

君詩疑是故園亭子  
外一枝冒雨渡春江

朔風甚急萬鴉集  
於枯木皆向風而立  
無一錯互者  
乃知其向風則羽毛轉順也  
向聞魚亦多逆水而游  
同是一理

寒鴉枯木景蕭騷  
觸目都增見地高  
鳥立向風魚逆水  
物生各自愛鱗毛



松坪招同葉生栢秀才高詠樓看荷花五首存二  
少日疎狂作治遊那堪還占老風流惹他十里珠簾捲  
多少紅妝笑白頭

延緣一棹過紅橋早有荷香陣陣飄  
解事扁郎不煩囑但花多處便停橈

贈當筵索詩者

盈盈十五出堂時妙轉歌喉勸客卮  
也是人間生活計老夫和淚寫胭脂

自笑

一甌著粥弟沾鬚背曝晴簷手擁爐  
試問古來麟閣上

畫圖可有此形模

子才以雙湖太守禁妓作詩解之戲題其後

八十衰翁已白紛惜花心在老逾殷  
哥舒半段槍無敵專救人間娘子軍

巧為蛾眉作主張一言感煞衆紅粧  
知君九十開筵日定有湘蘭百妓觴

三月十日寓齋前牡丹纔試一花  
次日半開者數

朶十二日曉村太守讌東浦藩伯湛  
露廉使柳亭觀察於此則百朶竟放矣  
以後士女遊觀連日雜

沓雜記以詩



翠翹紅袖總嬰春，稍為移床避鞦韆。塵滿架，名花讓人看。  
老夫却看看花人。

此行專結牡丹緣，繭栗催開七日妍。妍看到落紅，吾亦去。  
人言薄倖杜樊川。

西湖寓樓即事

遊船無數檻前過，占得湖樓俯綠波。但我見人人不見，  
碧欄干外綠楊多。

人心趨處佛增靈，祈雨祈晴有必應。柏燭檀香三竺路，  
一觀音養百千僧。

一度來遊一度竒，始知好景不勝追。衰年敢作重來想，

臨去多留疥壁詩。

春寒

買得羊裘價十千，料應溫暖勝常年。誰知天又非常冷，  
依舊凌兢聳兩肩。

山行看紅葉

十月清霜萎綠莎，翻看紅錦絢山阿。天公也有才人習，  
晚景詩尤綺麗多。

暮雪

雪花如席壓炊烟，萬籟無聲薄暮天。我似凍禽喑不語，  
忍寒危立老梅邊。



酒間與味堂司寇追話都門舊事感賦

春明舊輩幾人存，重話鴻泥指爪痕。絕似上陽宮畔路，白頭老監說開元。

閒極

為愛清閒早掛冠，秀才生活辦粗完。而今閒到無聊極，臨老翻思去做官。

舊麓中偶檢得在京時所畫鷗北耘菘小照戲題

卷後

灌園閒與白鷗親，四十年前舊寫真。只有老妻還認得，兒孫俱不識何人。

牡丹將開作布幔護之戲題

老去風情尚易撩，護花心力費連朝。一棚布幔當金屋，慚愧書生貯阿嬌。

蜂蝶

是誰送信洩春魂，惹得偷香賊滿園。一樣貪花輕薄性，蠶蜂強暴蝶溫存。

春風齊入百花村，掠粉含香各飽殮。一樣採花分兩技，一收花魄一花寬。

飯餘

飯餘一枕倚窗紗，睡起甌香小啜茶。攜得胡牀臨水坐，



柳陰深處看荷花

簾雨

綠遍田禾不隔區，簾前又見雨沾濡。雨絲作經去聲見放翁詩，

遊焦山至揚州途中雜詩

洞庭遊了又焦山，更指揚州寶塔灣。老去翻成游蕩子，

蘭橈一月不曾閒。詩翁八十尚兒嬉，遊侶居然挾兩雌。鎖骨觀音散花女，

天教狂煞老頭皮。佩香悟情

費盡遊賞到處過，為尋詩料引清哦。詩囊無句錢囊罄，

大笑先生折閱多

觀餽雞者戲作

簸春餘粒撒籬間，粥粥呼雞恣飽餐。只道主人恩意厚，

誰知要汝肉登盤。

述菴侍郎遣人送示新刻湖海詩傳所輯皆生平

交舊凡六百餘人人各系小傳其心力可謂勤矣

敬題六絕句存二

也是生平大願，船盡收交舊，入新編。淮南賓友何多幸，

得附劉安總上仙。網盡珊瑚也足雄，唐詩選只說荆公。由來買馬招兵戰，



萬骨枯成一將功

吳穀人祭酒枉過草堂邀雅存味辛同集

裾屐聯翩總勝流沈沈泥飲盡更籌江天望氣人應說

今夜文星聚趙樓

袁子將餘王禮堂錢汀總作塵愁遺漫比後來薪名流各有千秋在肯與前人作替人

筆工胡生以羊毫裹兔穎名之曰綿裏針頗馴健

可書戲為二絕

老來那得更還童

自分中書老不中忽得銀毫濡墨寫

白頭公變黑頭公

柔毛何意內含剛恰與詞人寫錦囊放出晶  
芝高萬丈依然佛頂白毫光

過城東小桃園

重過桃園跡已陳花塍依舊錯如鱗傷心紅雨亭邊路

只見桃花不見人

舟行

知有烟村綠水灣寥寥一犬吠柴關百株楊柳千竿竹

惜不移家住此間

兒童敲背

兒童娛我度良宵如蕨拳輕把背敲一个西瓜分八片



阿翁大費為鼎勞

俊兒供饌頗嘉余以其脾泄病催令服藥

子舍能供酒饌精乃翁却勸藥爐烹一甘一苦雖殊味  
總是人間父子情

西干故里

門巷依然渌水濱釣遊陳跡黯傷神  
我來便是遼東鶴盡日曾無舊識人

論詩

結習耽吟老未忘尚隨年少角詞場  
只愁後世無新意不敢多搜錦繡腸

寓舍有二犬余飯時只一犬來詢知乃母犬讓其

子得殘炙也感賦

一骨拋投母不爭小厖因得飽餘烹由來舐犢關天性  
不但人情也物情

同牢百犬兆家和讓食何為只犬婆旁有點奴心暗笑  
主人餘惠本無多

見贖衣者戲賦

一夜霜寒贖敝衣贖來便在櫃前披看他顧盼自雄處  
回去居然夜錦歸

四月十一二等日大寒圍爐就煖偶書



五月披裘氣自雄我今四月擁爐紅天教寒士添佳話  
不但冬烘夏亦烘

五更

倚壁燈光小炷留宵眠醒必五更頭吾身自有時辰表  
不用雞人報曉籌

曝背

曉怯霜威犯鬢皤擬營暖室怕錢多牆根有日無風處  
便是堯夫安樂窩

五更不寐

結習難消已作魔夢回不覺續吟哦雞初鳴到雞聲歇

枕上詩功兩刺多

星斗闌干月下絃沈沈柳鼓夜如羊老人夢醒荒雞叫  
窗外窗中兩不眠

譙鼓

譙鼓聲殘接曉烏林邊側几一燈孤不知偶得驚人句  
可有前人說過無

僮約

少日曾嗤蟲處禪老來習懶漸成真預頌僮約如軍令  
除了看花不出門

長書







